

جریدہ علمیہ

مشیت جلیلہ اسلامیہ نمک جریدہ رسمیه سیدر

غرة ذی الحجہ ۱۳۳۲


عدو: ۶

آیدہ بر نشر اول نور

برنجی سنہ

مضبوطه طلبنه محل اولیوب توجیه جهات نظامنامه سی احکامی دائره سنده معامله توجیه نهک ایفا و علی الاصول انهای و شوقدر که بر جهت متصرفی افراد عسکریه دن بر نفر اوغلی ترک ایده رک وفات ایلدیکی تقدیرده توجیه جهات نظامنامه سنک قرق سکنجی ماده سنده معین صراحت دائره سنده ایفای معامله یه اعتنا اولنسی لزومی اوامر مدیریتی افاده سیله تعمیم و تبلیغ اولور .

۲۲ ذی القعدة ۱۳۳۲ و ۳۰ ایلول ۱۳۳۰



تعليماً تمامه

« خدمه خیراتک صورت دوام و حرکتلرینه دائر »

ماده : ۱ در سعادته مبانی خیریه مدیریتی ایله اوقاف اداره لری و طشره لرده اوقاف مدیر ویا مأمورلری خدمه خیراتک صورت دوام و حرکتلرینی بالذات ویا بالواسطه تفتیش ایده جک و در سعادت اوقاف اداره لری نتایج تفتیشیه لرینی - عندالایجاب - مبانی خیریه مدیریته بیلدیره جکلر در .

ماده : ۲ خدمه سی متعدد اولان جوامع شریفه و مربوطاتنده سر قیملر جهات بدنییه اصحابنک و سر تر به دارلرده دیگر تر به دارلرک رئیسی اولوب امام اوللر جهات علمیه اربابنه ریاست و عمومیه نظارت ایدر . جوامع سائرده اماملر دیگر خدمه نک رئیسی عد اولورلر .

ماده : ۳ متعدد خدمه سی اولان جوامع شریفه و مربوطاتنده کی سر قیم و سر تر به دارلر رئیسی بولندقلری ارباب جهاتدن مواد آتیه احکامنه و صفت و وظیفه لرینه منافی حرکت ایدنلری امام اوله و امام اولده کرک بونی و کرک عموم خدمه دن هر هانکی برینک دوغرودن طوغرویه مطلع اولدینی اوقیل حرکتی مأمورین عانده سنه همان خبر ویره جکلر در . ائمه سائر دخی عین وظیفه ایله مکلفدر . شووظیفه اخباری بلا معذره ایفا ایتمیلرک مناشلرینک نصفه قدر قطع و توقیف اولنور .

ماده : ۴ بالعموم ارباب جهات خدمتلرینی بالذات و منتظماً ایفایه مجبور اولوب بر سبب و عذر شرعی اولمقسزین وظیفه سی منتظماً ایفا ایتمه کی و خلاف اصول وکیل

یولندیرمائی اعتیاد ایدنلرک جهتلری توجیه جهات نظامنامه سنک ایکنجی ماده سی موجبجه رفع اولنور .

ماده : ۵ بر معذرت مشروعه یه مبنی خدمتده بولنه میه حق اولانلر حائز اهلیت بر وکیل بولندیرمغه مجبوردر . بوصولته وقوع بوله حق عدم دوام خدمات یومیهده اوچ کونی وایفاسی ایام محدوده و مخصوصیه منحصر اولان خدمتدرده بر برینی متعاقب ایکی دفعه نی تجاوز ایده من . عکس حالده اوقاف اداره سنه معلومات اعطاسیله مأذونیت استحصالی ، اداره مذکورده ده وکیلک اصولاً ثبوت اهلیت و قبول وکالتی لازمدر .

ماده : ۶ ارباب جهاته ویریه جک مأذونیت - ایفای فریضه حج شریف مستثنی اولوق اوزره - درت آئی تجاوز ایده من . بومدت عنداللزوم تمدید اولنه بیلیر . مدت مأذونیتنی بر سبب صحیح و مشروعه مستند اولیه رق تجاوز ایتدیرنلر ترک وظیفه ایتمش عد اولنورلر .

ماده : ۷ علی الاصول استحصال مأذونیت ایتیه رک وظیفه سنی ایفا ایتیلر و بشنجی ماده یه مخالف حرکت ایلینلر حقنده یاپیله حق معامله بوجه آتیدر :

برنجی دفعه سنده : تحریراً اخطار

ایکنجی : وظیفه شهریه نک - سنوی ایسه برآیه اصابت ایدن جزؤ نک - نصفنه قدر اولان مقدارینی قطع

اوچنجی : وظیفه مذکورده نک نصفندن تمامنه قدر اولان مقدارینی قطع
دردنجی : رفع جهت

اشبو جزالرک اجراسی دوامسنز لقلر برسنه ظرفنده وقوع بولمقله مشروطدر .

ماده : ۸ اشبو ماده ده کی معاملات انتباهیه نک اجراسی اوراق تفتیشیه و تحقیقیه یه استناد ایتک لازم کلوب بولنلردن رفع جهت شورای اوقافک قرارینه متوقفدر ، درسعادته اخطار تحریری مبانئ خیریه مدیریتجه دوغریدن دوغرییه ، قطع معاش مدیریت مذکورده نک مذکره سی اوزرینه نظارتجه اجرا اولنور طشره لرده ایسه هرایکی معامله نک اجراسی اوقاف مدیر و یامامورلرینه عائددر .

